

**OKVIRNI SPORAZUM - UGOVOR BR. 17-14-33063-24**  
o pružanju usluga deratizacije objekata Kantona Sarajevo u 2016. godini

**I – UGOVORNE STRANE**

- A.       Naručilac: KANTON SARAJEVO**  
Stručna služba za zajedničke poslove  
ul. Reisa Džemaludina Čauševića 1  
koju zastupa Načelnik Fikret Jašarević  
u daljem tekstu: **Naručilac**
- B.       Izvršilac: “SANACIJA 3 D” d.o.o. Sarajevo**  
ul. Džemala Bijedića do broja 291  
koga zastupa Direktor Sanin Siručić  
daljem tekstu: **Izvršilac**

**II – PREDMET UGOVORA**

**Član 1.**

Naručilac naručuje, a Izvršilac preuzima obavezu da za račun Naručioca, prema uslovima i odredbama ovog Ugovora i na osnovu prihvaćene ponude Izvršioca broj: 14-01-1/16 od 11.01.2016. godine, zaprimljene pod **brojem: 17-14-778 od 12.01.2016. godine**, izvrši usluge deratizacije u objektima Kantona Sarajevo u 2016. godini.

**Član 2.**

Izvršilac se obavezuje da će po nalogu Naručioca a na osnovu prethodno usaglašenog i od strane Naručioca odobrenih poslova deratizacije, izvesti iste za potrebe Kantona Sarajevo u 2016. godini. Poslove se imaju izvesti u skladu sa odredbama ovog Ugovora.

**III – KVALITET I OBIM USLUGA**

**Član 3.**

Izvršilac se obavezuje da će sve usluge koje zahtjeva Naručilac izvesti prema dobijenom nalogu (narudbenici) koji predstavlja ugovorni odnos za taj posao u okviru ovog Okvirnog sporazuma, uz obavezno poštivanje važećih propisa, standarda i normativa koji su Zakonom regulisani za poslove deratizacije.

**Član 4.**

Za sve izvedene usluge deratizacije u objektima Kantona Sarajevo u 2016. godini i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuću dokaznu dokumentaciju o ispravnosti i kvalitetu izvedenih usluga, koja treba biti uredno ovjerena od strane nadležnog organa.

**Član 5.**

Eventualna odstupanja od nalogom predviđenih količina usluga, moraju biti prethodno odobrena od strane Naručioca, odnosno od strane nadzornog organa.

#### IV – KONTROLA

##### Član 6.

Stručni nadzor nad izvođenjem usluga vršit će Stručna služba za zajedničke poslove Kantona Sarajevo preko svog ovlaštenog lica, a ukoliko se za to pojavi potreba, Stručna služba za zajedničke poslove Kantona Sarajevo zahtijevat će da nadzor nad izvedenim uslugama izvrši Kantonalna sanitarna inspekcija.

#### V – GARANCIJA O KVALITETU

##### Član 7.

Izvršilac daje garanciju na kvalitet izvedenih usluga, uz pružanje potpune garancije za ispravnost sredstva koja se koriste za usluge deratizacije.

Za korištena sredstva Izvršilac mora posjedovati odgovarajuću dokumentaciju, kojom u svakom trenutku mora dokazati da je upotreba istih odobrena od strane nadležnih organa, te da je ista u odgovarajućim dozama bezopasna za ljude.

##### Član 8.

U slučaju naknadne pojave nedostataka u kvalitetu izvedenih usluga, a u okviru ugovorom predviđenih usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog Ugovora, Naručilac stiče pravo da za otklanjanje nedostataka angažuje drugog Izvršioca, a troškove angažovanja snosi Izvršilac usluga.

##### Član 9.

U slučaju naknadne pojave nedostataka u kvalitetu izvedenih usluga, čijim bi izvođenjem bili ugroženi životi ljudi ili prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvršilac to izbjegava Naručilac će postupiti na način predviđen članom 8. ovog Ugovora.

#### VI – CIJENA USLUGA

##### Član 10.

Potpisivanjem ovog Ugovora prihvataju se cijene pojedine/ih vrste/a usluga koje su ponuđene u ponudi broj: 14-01-1/16 od 11.01.2016. godine, zaprimljenoj pod brojem: 17-14-778 od 12.01.2016. godine, kako slijedi:

1.	Deratizacija	cca 10000	m2	1	0,07	0,0819	819,00
----	--------------	--------------	----	---	------	--------	--------

Cijena bez PDV-a ..... 700,00 KM,  
PDV ..... 119,00 KM,  
Ukupno sa PDV-om ..... 819,00 KM.

Sastavni dio ovog Ugovora je ponuda zaprimljena pod brojem: 17-14-778 od 12.01.2016. godine.

#### **Član 11.**

Izvršilac nema pravo na promjenu ugovorenih jediničnih cijena, po bilo kom osnovu i u tom smislu utvrđene jedinične cijene, smatraju se fiksnim i nepromjenljivim. Cijene se mogu mjenjati samo u izuzetnim slučajevima (velike oscilacije na tržištu) uz obostranu saglasnost Naručioca i Izvršioca, što će se definisati Anex-om Ugovora.

### **VII – NAČIN I USLOVI PLAĆANJA**

#### **Član 12.**

Ugovorne strane su se sporazumjele da Naručilac, Izvršiocu izvršene usluge plaća na:

1. Žiro račun broj: **1941029605700139 – PROCREDIT BANK.**

#### **Član 13.**

Fakturisanje usluga se vrši nakon izvršenja istih, uz ovjeravanje radnog naloga od strane nadzornog organa ili ovlaštenog lice Naručioca.

Fakturisane usluge Naručilac će platiti Izvršiocu u roku od **120 dana** od dana ispostavljanja fakture.

### **VIII TRAJANJE UGOVORA, ROKOVI I USLOVI IZVOĐENJA USLUGA**

#### **Član 14.**

Ovaj Ugovor stupa na snagu danom potpisivanja i važi do 31.12.2016. godine uz mogućnost njegovog produženja za najviše godinu dana, pod istim uslovima.

Potpisivanjem ovog Ugovora svi raniji Ugovori ili akti koji su vezani za obligacioni odnos Naručioca i Izvršioca za ovaj vid usluga, stavljaju se van snage.

#### **Član 15**

Naručilac je dužan da Izvršiocu, bez naknade omogući korištenje i priključenje na elektroinstalaciju, ukoliko se pojavi potreba za korištenjem iste.

#### **Član 16.**

Izvršilac je kod izvršenja usluga odgovoran za:

1. sprovođenje mjera tehničke zaštite tokom vršenja usluga,
2. sigurnost objekta, stvari i ljudi za vrijeme vršenja usluga,
3. sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih vršenjem usluga, a u skladu sa članom 20. Pravilnika o načinu obavljanja obavezne dezinfekcije, dezinsekcije i deratizacije ("Sl.novine FBiH" br. 81/14).

#### **Član 17.**

Izvršilac je obavezan vršenje predmetnih usluga, ako je to u skladu sa važećim propisima, prijaviti nadležnom opštinskom organu.

### **IX PENALI I KAZNA**

#### **Član 18.**

U slučaju da Izvršilac svoju ugovorenu obavezu ne izvrši u ugovorenom roku i u obimu iz prihvaćene ponude, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti radova za svaki dan zakašnjenja, a najviše do 5% od vrijednosti izvedenih usluga.

#### **Član 19.**

Ugovorena kazna će biti obračunata konačnim obračunom.

### **X DOKUMENTACIJA**

#### **Član 20.**

Prilikom pružanja ugovorom predviđenih usluga Izvršilac je dužan da otvori adekvatne obrasce za usluge koji potpisuje nadzorni organ ili ovlašteni predstavnik Naručioca, a na kraju odobrava nadzorni organ ili Naručilac usluga. Nalog ovjeren na navedeni način predstavlja osnov za izdavanje fakture i čini njen sastavni dio.

### **XI TEHNIČKI PRIJEM I PRIMOPREDAJA**

#### **Član 21.**

Prijem usluga po ukazanoj potrebi obavlja nadzorni organ iz člana 6. ovog Ugovora, osim u slučajevima kada Izvršilac usluga od Naručioca zahtjeva, formiranje komisije za tehnički prijem i primopredaju izvršenih usluga.

## XII KONAČAN OBRAČUN USLUGA

### Član 22.

Konačan obračun usluga i ispostavljanje fakture će se izvršiti najdalje u roku od 15 /petnaest/ dana, od dana izvršenja usluga.

## XIII IZMJENA ODREDBI UGOVORA, RASKID UGOVORA

### Član 23.

Ugovorne strane su saglasne da se odredbe ovog Ugovora mogu mijenjati sporazumno u pisanoj formi i kao takav dokument čini sastavni dio ovog Ugovora. Mijenjanje odredbi ovog Ugovora je moguće samo ukoliko te izmjene nisu u suprotnosti sa uslovima koji definisani i prihvaćeni tokom provođenja postupka javne nabavke.

### Član 24.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

## XIV PRELAZNE I ZAVRŠNE ODREDBE

### Član 25.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

### Član 26.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

**IZVRŠILAC:**

**“SANACIJA 3 D” d.o.o.**

Broj: 26-02/16  
Sarajevo, 15.02.2016 godine

**NARUČILAC:**

**KANTON SARAJEVO**

**Stručna služba za zajedničke poslove**

Broj: 17-14-33063-24  
Sarajevo, 12-02-2016 godine.